

Rory Arends di bishita na De Palm Tours

ORANJESTAD- Despues di lansamento di su buki algun siman atras Rory Arends, ex Director di Turismo di Aruba y ex CEO di Aruba Hotel & Tourism Association - AHATA, recientemente a haci un bishita na De Palm Tours caminda el a haci entrega di ehemplarnan di su buki "Ayer, Awe ... y Mayan?" na tanto Harold, Lisette, como Ricardo ("Ricky") Malmberg. Aunke nan tabata conoce otro masha hopi anja caba, Arends a mustra riba e hecho cu su relacion di trabao cu Harold Malmberg a cuminsa na aña 1971, tempo cu e ultimo aki, hunto cu su socio Ramon Richardson, a adkiri De Palm Sightseeing for di Louis Celestino De Palm, miho conoci como Wichi De Palm.. E relacion aki, di trabao y despues amistad personal, a perdura te cu dia di awe. Un total di 41 anja di relacion di amistad y trabao, mas cu cualkier otro persona den sector priva durante su carera, segun Rory Arends. Durante su bishita Rory Arends a gradici Harold y su



Sr. Rory Arends durante entrega di su buki na Famia Malmberg na de Palm Tours.

yiunan, pa e excelente cooperacion cu semper el a ricibi tanto na ATA como na AHATA. Aunque nan mes no ta persona cu ta propaganda nan servicio den comunidad, Famia Malmberg semper tabata para cla pa coopera cu tur loke ta na bienestar

di Aruba y di su Turismo. Ademas di esey De Palm Tours semper a sirbi y ta sigui sirbi comunidad Arubano den eventonan caritativo, educativo, cultural y social. Na final di su bishita Rory Arends a felicita Ricky

Malmberg, cu ta cumpliendo su prome anja na timon di De Palm Corporation N.V, como Presidente y CEO, y Lisette cu ta Directora den Junta Directiva di nan companianan. Rory a desea nan tur clase di exito pa futuro. □